

Amnura Lutheran Mission Haspatal Re Hepatitis-B Vaccine Em Ha.t.in' Akhr.a

At.hwar hilok' (21 August) Chapainawabgonj Sodor upa.jila. reak' Amnura Lutheran Mission Haspatal re NAGR (National Agency For Green Revolution) ak' bondoboste Rajshahi Cancer Hospital And Research Center, Rotary Club Of Dhaka Kawran Bazar ,Rotary Club Of Padma Rajshahi, Amnura Community Core ar Tabitha Foundation ak' gor.o gopor.ote Cancer Hepatitis rog babotre mit't.en cehaona ar Hepatitis-B t.ika. em ha.t.in' akhr.a hoe pura.uenā.

Nia. akhr.a muca.tre mo~r.e~ gel (50) hor. ko begor ka.ud.ite Hepatitis-B t.ika. ko n'amkeda. Nia. okte set.ere tahe~kana Rotary Club Of Dhaka Kawran Bazar ren past president Ahmed Farooq, Amnura Rotary Community Core ren adviser ar NAGR ren maran' mukhia. Mn.Stephen Soren, RCC-Amnura ren sabha mukhia. Mn.Prodip Hembrom, Secretary Mn.Promila Hasda, ar Amnura Lutheran Mission Haspatal ren Mn. Dr. Suvas.C. Sarkar ar Manager Mn.Markus Murmu.

Rajshahi Mission Nursing Institute Ren Pa.thua. Gidra. Sikhna.t Gor.o Ko N'amkeda

Sombar (22 August) setak' 11 baja okte Rajshahi Christian Mission Nursing Institute re gel pe (13) got.en pa.t.hua. gidra.ko talare Rotary International sec' khonak' sikhna.t gor.o hisa.bte ka.ud.i reak' check em hoyena. Un jokhen ond.e set.erko tahe~kana Rotary Club Of Dhaka Kawran Bazar ren past president Ahmed Farooq, Rotary Club Of

Padma Rajshahi protinidhi ar Rajshahi Cancer Hopital and Research center Trust ren sodosso socib Dr.Patrick Bipul Biswas, RCC Amnura ar NAGR ren maran' mukhia. Mn.Sephen Soren, Rajshahi Christian Mission Hospital ren maran' mukhia. (Director) Prodip Chondro Mondal, ar ona sa~ote selet'e tahe~kana Rajshahi Christian Mission Institute ren professor Sulta Drong.

NAGR ren maran' mukhia. Mn.Stephen Soren doe menkeda, Rotary International khon jaoge Rajshahi, Rangpur, Chapainawabgonj jila. ren tayom akan ren'gec' nacar pa.thua. gidra.ko sikhna.t gor.oko n'amet' kana.

Ina. chad.a ho~ Rotary International Rotary Club Of Dhaka Kawran Bazar, Amnura Community Core, Rotary Club Of Padma Rajshahi, Rajshahi Cancer Hospital And Research Center, Tabitha Foundation ar NAGR (National Agency For Green Revolution) ak' gor.ote Chapainawabgonj, Gaibandha ar Dinajpur jila. ren adom upa.jila. ren hor.ko metak'me maejiukoak' toa re cancer (breast cancer) ar Uterus Cancer babotre sontor ko, Bin ka.ud.ite Hepatitis B ar gidra. kukhi reak' (Uterus) Cancer khon rukhia. se ona rog birud ten'go daram la.git'te t.ika. ho~ emako hoyok' kana.

Haptare Bar Din Bond Tahe~na Sikhna .t T.hao~na

Bad.aeabon je, Disomre jo_to_ lekan jo_lo_k' ak' sunum reak' damko arpa korpa a.d.ige d.herakana. Onate ona rukhia. se ko_m n'ok beohar la.git'te Darakan Budhbar khon disomre menak' sarkari besarkari jo_to_ a.pis (office) reak' okto do setak' 8:00 baja a.yup' ber 3:00 baja dha.bic' nit.ena.

Onka leka bank ho~ setak' 9:00 baja khon a.yup' ber 4:00 baja dha.bic' jhic' tahe~na. Ar sikhna.t t.ha~onako haptare bar din bond tahe~na.

Sombar (22 August) Maran' montri Shekh Hasina ak' a.yurte virtual hotete mit' dupur.up' talate noa ko got.akeda. Maran' montri ak' gonobhobon khon ar et.ak montri ko ho~ socibaloy reak' montri porisod meeting or.ak' khon video conference talate ko selet'ena. Galmarao muca.tre briefing re noako katha ar khobore la.i sad.ekeda Montri porisod bibha.g ren socib Khandokar Anwarul Islam.

Budhbar (24 August) khon a.pis ar bank reak' got.awakat' okto do bataok'a. Menkhan haptare oka din do sikhna.t t.ha~onako bond tahe~na ar tis khonak' ma.njur se bataok'a ona do a.d.i usa.rage Sikhna.t Montronaloy hotete bad.aeok'a.

A.yuric'

"Menkhan ape talare onka do ban' kana, bickom ape talare ja~ha~ege maran' hoyok' sanaye khan, uni do aperen sap'dap'ic'e hoyok' ma; ar ja~ha~ege ape talare pa.hilic' hoyok' sanaye khan uni do sanam koren golame hoyok' ma.

Sa.rige mand.er re church re se somaj bha.la.ianak' ka.mire dar.ean a.yuric' dorkar menak'a. Sonot soster re 'Leader' katha do thor.agan ol menak'a mentebon bad.ae akada. Menkhan 'golam' katha do aema dhao ol menak'a. Ar nia. oktere somajre golam katha redo a.d.i kom manot menak'a. Ar okoeye golam kan uniak' do cet' man manot ho~ ba.nuk'taea ar okoe ho~ ban'ko manotea.

Isorak' raj do hoyok' kana golamak' somaj. Golam do joto hor.e seba koa. Okoet.ak' a.yuric' Isore bachao akade onko joto unige rukhia.koa. Uni do onkoe manot koa, rukhia. koa are tambhao koa. Onate a.yuric' ak' ucit ban' kana je, ac'ak' subita. se ac'ak' huda. n'el tae. Ente sonot soster re ol menak'a 'Menkhan uniak' raj ar dhoromge n'am mar.an'ianpe, ado noako saname em jut.uc' apea.

Candowak' Hasate Calak'kana Adiba.si Maejiu Nicole Aunapu Mann

Antorjatik mohakas st.eson re pa.hil dhao mit' adiba.si maejiu-e calak' la.gidok' kana. Darakan bo_so_nton re Markin mohakas songstha NACA tayom Space X crew-5 mission re seledok' la.git'e calak' kana. Noa la.r.ha.i re jitka.rlen khange candowak' hasa se sermate calak'kan pa.hil a.diba.si maejiu hoyok'a Nicole Aunapu Mann.

Uni do California Petaluma n'utuman nagraharey janamlena. Ar Welaski ja.tiren sodosso kanae. Menkhan uta.r California ren giroba.si kanae. Ina.chad.a Nicole Anupu Mann ak' samorik career ho~ menak'a. Iraq ar Afghanistan ho~e da~ra~ a.guakada. Bar gel mo~r.e~ (25) got.en juda.juda. biman se uda.uk' ga.d.i bar hajar mo~r.e~ sa~e ghont.a khon d.her okto uda.u rakabok' reak' hewa menak'taea.

NACA reak' candore Roket. rakap reak' beostha bebenaore ho~ gor.oe emakada Nicole. Uni doe ror. sodor akada noa do a.d.i can'man'gao ak' kangea. Ale ja.tkoren sa~o jopar.ao dohoe ja.rur.a. Ente one aema et.ak et.ak native gidra.ko menak'ko okoe do ja~ha~n sombhob banuk'a menteko tayomok' kan se akot. hec' par.aok' kan. End.ekhan noako bhul hudis cinta. ra.put' chinha.turok' takoa.

Tuma_l:Ipnews.com.bd

Mo~r_e~ Sae Ka_ud_i La_git'te Gateak' Bo_ho_k' Samak' Kut_ra_!

Uta_r Assam reak' Sonitpur jila_re mit't_en a_d_i botoranak' ghot_ona ghot_ao akana. Sa_dhin se phurga_l ma~ha~re ad_epase club reak' bondoboste phut_bol haparao tahe~kana. Ado ona khila_d_haparaore Tuniram Madri ar Boila Hembrom do mo~r_e~ sae (500) ka_ud_i reak'kin ba_ji se akhaji yena. Metak'me okoet_ak'kin jita_uk' unige mo~r_e~ sae ka_ud_i emae hoyok'a. Khila_d_muca'tre n'elena je, Tuniram do hira_uena ar Boila doe jitena. Menkhan Tuniram doe hira_uen reho~ ka_ud_i emok' bae rebenlente unkin talare dal-dapal ehop'ena. Ado un jokhenge Tuniram do laser ha_tia_rte Boila ak' bo_ho_k'e samak' kit_ra_ket'taea. Ina_kate Tuniram do mit' tite laser ha_tia_r et_ak' mit' tite do kut_ra_ akat' bohok'ante 25 kilomet_er sa_n'gin' thanatey senena.

Polis ak' formula se khobor lekate, n'inda_ noa ghot_ona ghot_ao tayom Tuniram do kut_ra_ akat' bo_ho_k' ante ac'ak' or_ak' ho~e senlena. Menkhan or_ak're dadat'tet' a_d_i murukte at_kaoe kurumut_uket' reho~ bae dar_eada. Ond_e khon ja~ha~ lekate da_r_ katec' thana sec'ge tar_ame dhura_uena. Ado ga_hir n'inda_ thantey set_eren khan pura_ ghot_onae la_iket'e soprot'ena. Noa ghot_ona an'jomte polis a_d_iko tharbasaoena. Ado ka_d or_ak' ko ader akadea.

Ba_ji kha_tir noa ghot_ona ghot_ao akana se noa tayomre et_ak' ja~ha~n karon menak'a tojbij katec' ko n'elet' kana.

Tuma_l:anandabazar.com

Sikha_una_Go_lpo_

Birba~o hoe hec'ente jalapurire mit't.en jahaj do sokojok' d.heote ra.put'ena. Ona jahajre ban'caoe tahe~kan mit' hor. buhel buhelte hahan'kar jaegate set.arena. Disa. a.curentae re pa.hilre Isore sarhaokedea ac'ak' jion rukhia. n'utumte. Ado jao hilok'ge uni hor. do jalapuri d.hipre dur.up'kok' kan tahe~kana, jahaj hijuk' aste. Menkhan jao hilok'ge a.d.i nira.s katec'e rua.r.ok' kan tahe~kana. Enka enkatege jalapuri ar.ere or.ak'e benao rakap'keda. Ar bir-gajar.ko khon jo_jinis, phol-mul ko tuma.l katec'e jomet' kan tahe~kan.

Onkage mit'din jomak' sendrae la.git' bir-gajar.te calaoena. Tinre or.ak'e rua.r.ena, n'elkadae je, culha. khon sen'gel dhura.u akante sanam or.ak' lo rapak' akantaea, ar ekal dhu~d dhu~d dhu~a. cot. rimilte ot.an' bar.ae kana. Ado uni hor. do a.d.i a~t.e ad.raokeda are menkeda, E Isor in'ak' bha.gre noa ho~ tahe~kana?

Dosar hilok' an'ga marsalen khan jahaj sad.ete ja.pit' khone ebhenena. Ona jahaj do uni uddha.r la.git'e jalapuri d.hip sec'ge hijuk' kana. Ado a.d.itet' bhar.oyente mengot'keda, cekatepe bad.aekeda nond.e menan'a mente? Khange jahaj ren captain doe ror. rua.r.keda, amem jolket' dhu~a. n'eltegele bujha.ukeda.

Cecet'ak': Isor do ja~ha~nak'ge cekae aboak' bha.la.i la.git'ge onkaea. Kukli dar.eak'am tinre muskil hec' par.aok'a unre manwa ak' cet' lekate bha.la.i hoekok'a? ja~ha~ ban' ja~ha~ lekatege bha.la.i hoyok'gea, menkhan am ar in' ohogelan' at.kar da.reak'a. Ona ia.te jaoge Isore hirla. ar bhorsa akan tahe~nme, sa.rige Isore gor.owama.

Janam So_no_d Hatao La_git' Nit Khon Ban' Ja_rur_a Gogo Babawak' So_no_d

Janam so_no_d hatao la_git'te nit khon ar gogo-babawak' janam so_no_d ban' ja_rur_a. Noa bohal tahe~kan nia_m do Register Genarel office (jomno ar mritu nibondhon) doe rakap'keda. Nit khon gogo babawak' janam so_no_d begorte ja~ha~ege janam so_no_d ko hatao dar_eak'a. Onka leka Haspatal re janamok' kan gidra_ko ho~ ti_ka. card se calan kagoj uduk' lekhang a_d_i algate gidra_koak' so_no_d ko n'am dar_eak'a.

Noa khobor pusta_ute bad_ae ocokeda Register Genarel (uprand, da_yikan) Mirza Tarik Hikmat. Uni doe menkeda, a_n lekate joto hor_ak' n'utum ol car_hao hoyok'a. 2021 sermare mit't_en a_n do emlena je, okoekoak' janam 2001 serma tayom onko koak' umer gel ira_l (18) a_uri pura_ute NID card ban' hoe akantakoa.

Arho~e la_i sodorkeda, 18 umer khon latarren la_git' gogo babawak' janam so_no_d bisoe do ardas re ma_ruk tahe~kan reho~ ona nia_m do rakap'ena. Ina_chad_a ho~ 18 umer ren latar ren ko t_ika. hataore gogo-baba selet' pea janam so_no_d ja_rur_ kan tahe~kana. Menkhan Ona ho~ ocog se rakap'ena. Tayomte a_uri got_ae dha_bic' nonkage n'utum ol car_hao metak'me janam tayom registration ka_miko calao idik'a.

Menkhan sanamko nit khon algatege janam so_no_d ko hatao dar_eak'a. Cedak'je mit't_en hor do sanamko la_git' jhic'ena. Nia_lahare janam so_no_d hataore a_d_ige muskil ar da_r_ bar_ae hoyok' kan tahe~kana. Menkhan nit khon ja~ha~ege janam so_no_d hataore muskilre ban' par_aok' hoyok'takoa.

Gota Dha_rti Re President Hisa_bte Maejiuko

2015 ar 2019 serma dha_rti reak' suluk nira_i disom Norway te calao reak at don' n'amleda. A_di bes bha_g tahe~kana ona hirire; n'apam hoelena Former King & Queen son'ge, Osly ren Maejiu Meyor selet' Member of Parlamentren Minister koson'ge. A_d_i hahar_a gin' at_karleda je; Norway lekan suluk nira_i disom do pasec' Maejiu ko bhage position se da_yik re menak'kote, Norway redo ba_r.ti suluk menak'a.

Calaoen July cando reak' 25 ta_rik Bharot disom re pa_hil Santal Maejiu Drapopodi Murmu President hisa_bte ekrar_ hataoket'te da_yike n'amkeda ar dha_rti re santal ko la_git' maran' Itiha~s sakam doe benaokeda. A_d_i ra_ska.n' at_karkeda tinre Drapopodi Murmu Bharto disomren dosar maejiu hisa_bte President da_yik n'amket'te. Got_a dha_rtire Santalko la_git' a_d_i maran' man redoe set_er akat'bona. Abo santal ja_tia_riko kulhi dhur_i khon Bharot disom reak' sanam khon maran' tha~ire doe tul rakap' akat'bona dha_rti ren manowako t_hen.

Barbados Disom ren President, Dame Sandra Mason

Calaoen serma do Barbados re sangbadhanik Rajtontro metak'me Maharajak' calao do muca_t'ena. Khan disom do hor_koak' tire calaoena. Ina_tayom Caribbean disomren pa_hil President hisa_bte bachao ocoyena Dame Sandra Mason. Nia_laha do_ 2018 khon 2021 serma dha_bic' governor genarel hisa_bte da_yikre tahe~kana. 2008 sermare Barbados re reak' Apil adalot ren pa_hil maejiu bica_rpa.ti hisa_bte Sandra doe got_ayena.



London reak' Commonwealth Secretariat Orbital Tribunal reak' (Salisi adalot) member hisa.bte Commonwealth reak' disom ko talare biba.d, et.ket.o~r.e~ khon mima.n'gsa la.git'te Sandra ko bachao kedeo.

Katerina Sakellariopoulou, Greece Disomren President

Pa.hil Greek maejiu President Katerina Sakellariopoulou do_ namd.ak jo.j-e tahe~kana. President huda. re dur.ubok lahare uni do_ Greece reak' maran' uta.r Prosasonik adalot Counsil Of State ren president selet' aema lekan huda.re da.yik hisa.bte tahe~kana.



Thessaloniki Aristotle University law subject cetanre par.hao akana.

Katerina do namd.ak onolia. hisa.bte poribes, Nogor Unnoyon ain ar gender equality cetanre bes okoc' article doe ol akada.

Halimah Yacob, Singapore ren President

Halima Yacob do Singapore disomren iral ic' (8) president kanae. Ar maejiu ko modre do pa.hil president. Ac' gogo do male ar babatae do bharot bo~s ren. Halima Yacob do lawyer metak'me ukil kanae.

2001 sermare rajniti re jopor.aena. Ina.kate Somaj unnoyon ar jubo ar krirabisoyok montri hisa.bte bachao ocoyena. 2013 sermare ona disomren pa.hil maejiu hisa.bte Parliament Speaker hisa.bte bachaoena.



Bidya Devi Bhandari, Nepal Disomren President

Bidya Devi Bhandari ho~ maejiu hisa.bte pa.hil presiden. Nia lahare protirokha ar poribes ar jonoson'kha bisoe ren montri da.yikre tahe~kana. Rajniti jionre Nepal ren Communist party vice chairman



hisa.bte ho~ da.yike palon akada Bidya. Ina chad.a ho~ President huda.re dur.ubok' lahare All Nepal Women's Assosiation Chairparson hisa.bte da.yike tahe~kana. Maejiukoak' a.ida.ri ar gonotantrik mulloboth bandhao lekan ka.miko Bidya Devi do doe ka.miet' kana.

Taiwan ren president, Tsai Ing-Wen

Taiwan ren politician ar Educator (rajniti bid o Sikhavid) Tsai Ing-Wen do automonous t.ot.hako ren president. Onkage uni maejiu hisa.bte ona disomren pa.hil president kanae.



Law ar International Trade bisoe cetanre par.hao akana. National Taiwan University, Cornell and London School Of economics Political Science khon degree pass akada. Got.a dha.riren joto khon maran' khemota maejiu his.bte Tsai do Time Magazine doe n'ume kana.

Georgia Disomren President Salome Zourabichvili

Georgia disomren pa.hil maejiu president Salome Zourabichvili do sa.bik diplomatic kanae. France paris re Georgia reak' rajnitik soronarthi gharon'jre janam akana. Eyae gel (70) do_so_k re France reak' kutnitik (diplomatic) re selet'ena. 2003 serma khon 2004 serma dha.bic' Georgia re French Ambassador se pat.haona hisa.bte tahe~kana.



Ina.kate Georgia disomren ja.tia. doe hataokeda. Uni do disomren Pororastromontri hisa.bte da.yikre tahe~kana. 2018 serma do Zoutabichvili Georgia disomren president hisa.bte bachao ocoyena. Maejiuko a.ida.ri hamet.re ar somojos ba.ba.isa.u re ka.mikan n'utumte opromgea.

Ethiopia ren President, Sahle-Work Zewde

Sahle-Work Zewde do 2018 serma khon Ethiopia disomren president hisa.bte da.yik re menaea. Ona disomren do pa.hil uta.r maejiu president kanae. Noa lahare Nairobi re Jatisongho Under Secretary Genarel hisa.bte ka.mikan tahe~kana.



2018 serma reak' June cando Sahle do African Union re Jatisongho re Secretary Genarel re bises protinidhi hisa.bte ka.mi n'amkeda. Ona sa~ote African Union re Jatisongho ren maran' hisa.bte ho~e bachao

ocolena. Noakin barea huda.re ka.mikan pa.hil maejiu hisa.bte Sahle do ona disomren representative (protinidhimulok) chin se gor.hon likhonte lekhayena.

NAGR Hotete Calaok´kan Sanam School re Ja.tia.ri Homor Ma~ha~ Manotok´ Kana

15 August Bo_n'go_bo_ndhu Shekh Mojibur Rahman ak´ 47 serma gur ma~ha~. Tehen´ak´ din do_ Ban'gladisom reak´ itiha~s re jo_to_ khon ba.ric´ uta_r ghot.ona ghot.aolena. Metak´me 1975 serma reak´ 15 August do_ Bo_ngo_bo_ndhu Shekh Mojibur Rahman doko t.hu goc´ ledea. Ona din rege son'ge te arho~ko tahe~kana ac´ren or.ak´ hor. Shekh Fojilatun necha Mojib, Kor_a Shekh Kamal, Shekh Jamal, hudin´ gidra. Shekh Rashel selet´ arho~ aema hor.ko.

Tehen´ak´ din do_ a.d.i duk ar bhabnawan din kangea. Onate tehen´ak´ din do_ got_a Ban'gladisom ren hor.ko manotet´ kana. Onka leka National Agency For Green Revolution (NAGR) hotete a.yurok´ se calaok´kan sanam School re ja.tiari gur ma~ha~ se homor ma~ha~ manotok´ kana.



NAGR tabere menak´ School ko do_ hoyok´ kana, Tabitha Kindergarten School, Amnura Mission Primary School, Badhair Mission Primary School,

Jhinafulbari Primary School, Borgachi Pre-Primary School, Colknaka Mission Primary School, Bilboltha Adivasi Primary School, Simla Pre-Primary School. Tehen' noako jo_to_School re Ja.tia.ri homor ma~ha~n'utumte gapalmarao, chobi a~kao, onorhe~ ko ror. so_do_r akhr.a talate tehen'ak' dinko disa. rua.r arko manotkeda. Ona selet' tehen'ak' dinre Bo_ngo_bo_ndhu ar ac' sa~o goc' ocolen sanamkoak' atma sulukre do_hoe la.git'te Sisirja.uic' t.hen koejon`keda.